

Յիսուս Քրիստոս ասոր վրայ նստեցուցին՝ երբ փշեայ պսակով մը կը պսակէին, թշնամանելով և նախատե- լով Պիղատոսի տան մէջ, ուրկէ՝ յետոյ հոս բերուե- ցաւ յիշեալ սիւնը(\*) (Ո. Ս. Ե. էջ 53): Այս սեղանը յառաջագոյն կը վերաբերէր հապէչաց (Հան. էջ 195):

Փշեայ պսակի մասին Աւետարանին մէջ կը կար- դանք (Մարկ. ԺԵ. 17) «Եւ զգեցուցանեն նմա քղա- միդ կարմիր և ծիրանիս, և եզին ի գլուխ նորա պը- սակ տարեալ ի փշոց»:

Ս. Գրոց բուսաբանները կ'ըսեն թէ Քրիստոսի փշեայ պսակը կնիւնի ճիւղերով հիւսուած դժնիկի փուշով պսակ մ'էր, լատիներէն paliurus spineus Christi անուամբ, որ աւելի առատօրէն կը գտնուի Երիքովի ճանապարհի երկայնքին՝ հեղեղատներու եզերքը, նոյն դժնիկին ճիւղերը այնքան ձկուն և փշոտ են որ մօ- տեցողին ձեռքերը և հագուստները կը պատուեն: Փըշ- եայ պսակ մը՝ կ'ըսուի թէ՛ մինչեւ այսօր պահուած կայ Բարիզի Notre-Dame եկեղեցիին մէջ, ուրիշ մա- սունքներու հետ(\*\*): Նոյն փշեայ պսակը 1238 ին

(\*) Հնագոյն ուղեգիրներ կը յիշատակեն այս սիւնը. «Qualiter Sita est Jerusalem» հառին անանուն հեղինակը 1095 ին կը գրէ. «Գողգոթայի ձախ կողմն է Բանքը, եւ անոր մօտ՝ ձախ կողմը կը տեսնուի այն սիւնը՝ որուն կապուեցաւ Յիսուս»: Saewulf (1102) Քրիստոսի բնակին վրայ խօսելէ յետոյ, կ'ըսէ թէ մէկ կողմը կը գրս- նուի Խաչգիւնի սեղը, եւ միւս կողմը՝ «Բանէն ոչ հեռու, կը տես- նուի մարտէ՛ այն սիւնը՝ որուն կապուեցաւ Յիսուս Քրիստոս՝ երբ Պիղատոսի պալատին մէջ ձագուեցաւ» (Bar. Gr. էջ 79):

(\*\*) Յրանալի մեծ մասեակիրներ կը պնդեն թէ՛ երբ Մեծն Գարոյոս իր Երուսաղէմէ վերադարձին Կ. Պոլիս հասաւ, Արեւելի կայսր տուաւ անոր «Մեր Փրկչին փուշ պսակը՝ որուն փուշերը ա- նոր ներկայութեան հրաշքով մը ծաղկեցան: Այս աւանդութիւնը, որ pus Vincent de Beauvaisի, արքեպէ եւ, Երուսաղէմի եպիսկոպոսն է